

8. gr.

Milliganga um bindiskyldu.

Heimilt er einni bindiskyldri stofnun að fela annarri bindiskyldri stofnun að annast bindiskyldu fyrir sína hönd. Eigi að síður skulu allar bindiskyldar stofnanir láta Seðlabankanum í té upplýsingar skv. 7. gr. Bankinn mun tilkynna þeim stofnunum sem annast bindiskyldu fyrir aðrar stofnanir bindifjárhæðir þeirra. Heildarbindifjárhæð þeirrar stofnunar, sem fer með bindiskyldu fyrir aðrar bindiskyldar stofnanir, skal vera jöfn samtölu bindifjárhæðar hennar og hveirrar þeirrar stofnunar sem hún fer með bindiskyldu fyrir.

Bindiskyldar stofnanir sem fela öðrum bindiskyldum stofnunum að annast uppfyllingu bindiskyldu skulu tilkynna Seðlabankanum þar um með a.m.k. eins mánaðar fyrirvara og uppsögn slíks samkomulags skal tilkynnt bankanum með a.m.k. 3 mánaða fyrirvara. Aðilar að slíku fyrirkomulagi skulu gera með sér sérstakan samning þar sem meðal annars komi fram að vanefndir einstakra aðila á uppfyllingu bindiskyldu beri sömu viðurlög og tilgreind eru í 6. gr. þessara reglna. Samningar þessir skulu háðir staðfestingu bankans.

Ákvæði 1. og 2. mgr. eiga nú einungis við milligöngu Sparisjóðabanka Íslands hf. vegna sparisjóða sem fela bankanum að annast bindiskyldu fyrir sína hönd.

9. gr.

Sérstakur bindireikningur.

Bindiskyld stofnun sem er þátttakandi í greiðslukerfi getur óskað eftir því við Seðlabankann að stofnaður verði sérstakur bindireikningur með tiltekinni innstæðu sem bundin er til eins mánaðar í senn og nota skal við uppgjör ef stofnun vanefnir skuldbindingar sínar gagnvart öðrum þátttakendum í greiðslukerfinu. Bankinn setur nánari skilyrði fyrir stofnun og notkun reikningsins sem tilgreind skulu í samningi þar að lútandi. Innstæða á sérstökum bindireikningi telst vera hluti heildarinnstæðu stofnunar vegna bindiskyldu hennar.

Við vanefnd stofnunar við uppgjör í greiðslukerfinu hefur Seðlabankinn rétt til þess að ráðstafa innstæðunni eða hluta hennar án fyrirvara eða tilkynningar til greiðslu krafna sem aðrir þátttakendur í greiðslukerfinu eiga gagnvart honum. Um uppgjörið og tilhögun innlausnar er nánar kveðið á um í reglum um greiðslukerfi settum af bankanum.

10. gr.

Gildistaka.

Reglur þessar taka gildi 1. júlí 2002. Frá sama tíma falla úr gildi reglur um bindiskyldu við Seðlabanka Íslands nr. 794 frá 30. desember 1998. Reglurnar gilda fyrst við útreikning bindiskyldu í júlí 2002.

Reykjavík, 29. maí 2002.

Seðlabanki Íslands,

Birgir Ísl. Gunnarsson.

Eiríkur Guðnason.

Finnur Ingólfsson.

REGLUR

um beitingu viðurlaga í formi dagsekta.

Bankastjórn Seðlabanka Íslands hefur að fengnu samþykki og staðfestingu bankaráðs sett eftirfarandi reglur um beitingu Seðlabanka Íslands á dagsektum skv. 2. og 3. mgr. 37. gr. laga nr. 36/2001, um Seðlabanka Íslands.

1. gr.

Dagsektir vegna reglna um bindiskyldu, lausafjárhlutfall og gjaldeyrisjöfnuð.

Hlíti lánastofnun eða verðbréfasjóður ekki neðangreindum reglum settum af Seðlabanka Íslands:

- a) reglum um grundvöll og framkvæmd bindingar, sbr. 2. mgr. 11. gr. laga nr. 36/2001,
- b) reglum um lágmark eða meðaltal lauss fjár lánastofnana, sbr. 12. gr. laga nr. 36/2001, og
- c) reglum um gjaldeyrisjöfnuð, sbr. 13. gr. laga nr. 36/2001,

er Seðlabankanum heimilt að beita lánastofnun eða verðbréfasjóð viðurlögum í formi dagsekta eins og nánar greinir í 2. gr.

2. gr.

Útreikningur og fjárhæðir dagsekta skv. 1. gr.

Þegar innstæða á bindireikningi að meðaltali á binditímabili er lægri en tilskilin bindifjárhæð skal reikna dagsektir sem samsvara dráttarvöxtum yfir binditímabilið á þá fjárhæð sem á vantaði að meðalinnstæða bindireiknings næði tilskilinni bindifjárhæð. Þegar lausafjárhlutfall nær ekki tilskildu lágmarki skv. mánaðarskýrslu skulu dagsektir samsvara dráttarvöxtum á þá fjárhæð sem á vantar. Þegar gjaldeyrisjöfnuður er umfram tilskilin mörk skv. skýrslum, hvort sem þeirra er krafist daglega eða mánaðarlega, skulu dagsektir samsvara dráttarvöxtum á þá fjárhæð sem gjaldeyrisjöfnuður er umfram tilskilda fjárhæð.

Dagsektir vegna tafa eða vanrækslu á skýrsluskilum skulu vera frá kr. 10.000 til kr. 1.000.000 á dag frá og með þeim degi sem síðast bar að inna skylduna af hendi og fram að þeim degi sem skyldunni er fullnægt.

3. gr.

Dagsektir vegna upplýsinga sem bankinn á rétt á skv. lögum.

Vanræki aðilar að veita Seðlabankanum upplýsingar sem hann á rétt á samkvæmt 3. mgr. 37. gr. laga bankans nr. 36/2001, skulu dagsektir vera frá kr. 10.000 til kr. 1.000.000 á dag frá og með þeim degi sem skila bar upplýsingunum í síðasta lagi og fram að þeim degi sem skyldunni er fullnægt.

4. gr.

Dagsektir vegna vísitandi rangra upplýsinga.

Veiti aðilar Seðlabankanum vísitandi rangar upplýsingar, sbr. 3. mgr. 37. gr. laga bankans nr. 36/2001, skulu dagsektir vera frá kr. 10.000 til kr. 1.000.000 á dag frá og með mótökudegi hinna vísitandi röngu upplýsinga og fram að þeim degi sem réttar upplýsingar eru móttæknar af Seðlabankanum.

5. gr.

Ófullnægjandi upplýsingar.

Ef í ljós kemur við úrvinnslu upplýsinga að efni þeirra er ófullnægjandi, leggur bankastjórn Seðlabankans fyrir aðila að bæta þar úr án ástæðulausra tafa. Heimilt er í slíkum tilvikum að beita dagsektum skv. 1. gr., sbr. 2., 3. og 4. gr., ef bankastjórn telur þörf á.

6. gr.

Ákvörðun um dagsektir.

Bankastjórn Seðlabankans leggur á dagsektir með sérstakri ákvörðun. Við ákvörðun fjárhæða dagsekta er heimilt að taka tillit til eðlis vanrækslu eða brots og fjárhagslegs styrks aðila, svo sem heildareigna hlutaðeigandi.

Aðila sem ákvörðun um dagsektir beinist að skal veittur sjö daga frestur til að koma að skriflegum andmælum áður en bankastjórn Seðlabankans tekur ákvörðun skv. 1. mgr.

Ákvörðun bankastjórnar Seðlabankans um dagsektir skal kynnt aðila skriflega með sannanlegum hætti án ástæðulausra tafa.

7. gr.

Kæruheimild.

Aðila sem bankastjórn Seðlabankans hefur gert að greiða dagsektir með sérstakri ákvörðun, er heimilt að kæra þá ákvörðun til forsætisráðherra innan þriggja mánaða frá því að aðila var tilkynnt um hana.

8. gr.

Innheimta dagsekta.

Heimilt er að innheimta dagsektir að liðnum sjö dögum frá því að ákvörðun um dagsektir var kynnt aðila, sbr. 3. mgr. 6. gr. reglna þessara. Dagsektir má innheimta með aðför að lögum, sbr. 2. ml. 2. mgr. 37. gr. laga nr. 36/2001. Einnig má innheimta dagsektir með því að skulda viðskiptareikning hlutaðeigandi aðila hjá Seðlabanka Íslands.

Innheimt viðurlög skulu renna að $\frac{3}{4}$ hlutum til ríkissjóðs (að frádregnum kostnaði við innheimtuna) og skulu þau greidd 1. júní ár hvert fyrir næstliðið ár.

9. gr.

Kynning og gildistaka.

Reglur þessar, sem hafa verið kynntar Fjármálaeftirlitinu og þeim stofnunum sem þær taka til, öðlast gildi 1. júlí 2002.

Reykjavík, 29. maí 2002.

Seðlabanki Íslands,

Birgir Ísl. Gunnarsson.

Eiríkur Guðnason.

Finnur Ingólfsson.

AUGLÝSING

um heildarþyngd og áspunga ökutækja á þjóðvegum.

Með tilvísun til 12. gr. reglugerðar um stærð og þyngd ökutækja, nr. 528/1998 frá 4. september 1998, hefur Vegagerðin ákveðið mestu leyfilega heildarþyngd og leyfðan áspunga ökutækja á þjóðvegum sem hér segir:

A. Eftirtaldir þjóðvegir falla undir viðauka I:

Vegur nr.	Heiti	Kaflí
1	Hringvegur	Reykjavík – Arnarvatn í Mývatnssveit Reykjavík – Reykjahlíð í Mývatnssveit
25	Þykkvabæjarvegur	
26	Landvegur	
264	Rangárvallavegur	Hringvegur við Hellu – Gunnarsholt